



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-1.05-679/24

Datum:20.02.2024. godine

Na osnovu člana 69. stav 1. tačka b) i stava 2. tačka d), a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14 i 59/22), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 63. sjednici održanoj dana 20.02.2024. godine, donosi

ODLUKU

o poništenju postupka javne nabavke
lijekova – LOT 8 - Lijekovi za živčani sistem i osjetilne organe

Član 1.

PONIŠTAVA se postupak javne nabavke broj: 638-1-1-32-3-17/24 od 22.01.2024. godine, za nabavku lijekova za potrebe Javne ustanove «Dom zdravlja» Zavidovići za 12 mjeseci – LOT 8 - Lijekovi za živčani sistem i osjetilne organe, iz razloga što nijedna od primljenih ponuda nije prihvatljiva.

Član 2.

Ova odluka stupa na snagu danom donošenja.

Obrazloženje

Obavještenjem o nabavci br. 638-1-1-32-3-17/24 koje je objavljeno na portalu javnih nabavki dana 22.01.2024. godine i u Službenom glasniku BiH br. 6/24 od 26.01.2024. godine, pokrenut je otvoreni postupak javne nabavke lijekova za JU „Dom zdravlja“ Zavidovići.

Tendersku dokumentaciju za predmetnu nabavku, sa portala javnih nabavki preuzelo je 13 ponuđača i to: FARMAVITA D.O.O., ZEFARM D.O.O. ZENICA, EKAPIJA DOO, BBS EUROPE, PHARMA MAAC D.O.O., LICENTIS D.O.O. SARAJEVO, PHOENIX

PHARMA D.O.O., BOSNALIJEK D.D., UNIFARM D.O.O., BIPHARM DOO, "TUZLA-FARM" D.O.O. TUZLA, EVROPA LIJEK PHARMA D.O.O. i PHARMACON DOO ŽEPČE.

Izmjenu Tenderske dokumentacije, broj: 01-2.12-253/24 od 25.01.2024. godine, sa portala javnih nabavki preuzelo je 9 ponuđača i to: ZEFARM D.O.O. ZENICA, PHOENIX PHARMA D.O.O., BOSNALIJEK D.D., EKAPIJA DOO PROIZVODNJA I TRGOVINA „PHARMAMED“ D.O.O. TRAVNIK, RHEI, APOTEKA CAMAJ , UNIFARM D.O.O. i PZU "INTERNACIONALNA APOTEKA AL-HANA".

Na adresu JU "Dom zdravlja" Zavidovići za LOT 8 dostavljena je jedna ponuda i to: Zefarm d.o.o. Zenica.

Komisija za javne nabavke (u daljem tekstu: Komisija) izvršila je otvaranje ponuda dana 12.02.2024. godine u Sali za sastanke u JU «Dom zdravlja» Zavidovići u 15,00 sati, kao što je naznačeno u tenderskoj dokumentaciji.

Nakon pregleda dostavljene ponude, utvrđeno je da nijedna dostavljena ponuda nije prihvatljiva.

Ponuda ponuđača Zefarm d.o.o. Zenica, koja je jedina dostavljena u ovom postupku nabavke za LOT 8 - Lijekovi za živčani sistem i osjetilne organe, ocijenjena je kao neprihvatljiva iz sljedećih razloga:

Članom 2. stav (1) tačka 1) podtačka 2) Zakona o javnim nabavkama ("Službeni glasnik BiH", broj: 39/14 i 59/22), propisano je da je ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji, te da ponuda može biti: "neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta".

Tenderskom dokumentacijom, u tački "IV -PODACI O PONUDI", podtačka "7. Kriterij za dodjelu okvirnog sporazuma", propisano je da je kriterij za dodjelu okvirnog sporazuma najniža cijena, a u podtački "7.1. Procijenjena vrijednost javne nabavke", iskazana je procijenjena ukupna vrijednost za LOT 8 u iznosu od 7.600,00 KM, te je istaknuta napomena koja glasi:

" NAPOMENA: CIJENA PONUDE NE SMIJE BITI VEĆA OD PROCIJENJENE VRIJEDNOSTI ZA SVAKI POJEDINI LOT. U protivnom, ponuda će se smatrati neprihvatljivom u skladu sa članom 2. stav (1) tačka 1) Zakona o javnim nabavkama."

U skladu s iznesenim je i praksa Agencije za javne nabavke, koja je izdala savjetodavno mišljenje, broj: 04-02-1-2387/22 od 18.11.2022. godine, u kojem se navodi da se neprihvatljivom ponudom smatra ponuda čija vrijednost prelazi planiranu vrijednost ugovorog organa ili vrijednost osiguranih sredstava prije početka postupka javne nabave, te da se u otvorenom postupku javne nabavke i konkurentskom zahjevu za dostavu ponuda, neprihvatljivost ponude cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

Ponuda ponuđača Zefarm d.o.o. Zenica za nabavku lijekova za potrebe Javne ustanove «Dom zdravlja» Zavidovići za 12 mjeseci – LOT 8 - Lijekovi za živčani sistem i osjetilne organe, ima ukupnu vrijednost u iznosu od **8.507,73 KM bez PDV-a**.

U skladu s iznesenim, **ponuda ponuđača Zefarm d.o.o. Zenica, odbačena je shodno članu 68. stav 4. tačka i), jer ponuda ne ispunjava zahtjeve iz tenderske dokumentacije** u pogledu procijenjene vrijednosti nabavke.

Kako je jedina dostavljena ponuda u ovom postupku nabavke neprihvatljiva, Komisija za javne nabavke predložila je da se poništi postupak javne nabavke lijekova LOT 8 - Lijekovi za živčani sistem i osjetilne organe, za JU „Dom zdravlja“ Zavidovići, u skladu sa članom 69. stav (2) tačka d) Zakona o javnim nabavkama, obzirom da nijedna od primljenih ponuda nije prihvatljiva.


Obzirom na naprijed utvrđeno činjenično stanje odlučeno je kao u dispozitivu Odluke.

PRAVNA POUKA: Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

DOSTAVLJENO:

1. Zefarm d.o.o. Zenica
2. a/a.

**PREDSEDNIK
UPRAVNOG ODBORA:**
Mehmed Elvir, dipl. pravnik

